



17. uagust 2012

UKA 2012/76

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiupparput:

**Nunatsinni innuttaasut rubiinik namminneq atugassaminnik, pinnerasaasiassaminnik aammalu pinnerasaasiareriargit nunatsinni nunanilu allani tuniniarsinnaasaminnik katersinnaatitaanissaat pillugu apeqquteqaat aallaavigalugu oqallittoqarnissaanik siunnersuut.**

(Inatsisartunut ilaasortat Siverth K. Heilmann aamma Knud Kristiansen, Atassut)

**Tunngavilersuut:**

ATASSUT-miit inatsisartut oqaluttarfiat manna ataqqinartoq atorlugu qassinimmita, inuussutissarsiutitta pingaarnersaata aalisarnerup saniatigut, nunami suliffissat ataavartut, matumanilu aatsitassarsiornermi aallartitsisoqarsinnaanera inatsisartunut Naalackersuisunullumi kaammattuutigisarpaput.

ATASSUT-miit aatsitassanut inatsisitta siullerpaatut tigusatsinnut ilaasup suliarineqarnerani peqataalluarsimavugut, taamaattorli inatsisimmut ATASSUT-miit akuerseqataanitta saniatigut, nunaqavissut iluaquserneqarnissaannut periarfissiiniarnerigaluarput iluatsissimangilarput. ATASSUT-ip partiitut kisiartaalluni rubin nunatsinni nunattalu avammut tunisassiarineqarsinnaaneri anguniarlugit nunaqavissut aqquutissiuunneqarnissaat angorusussimagaluarparput.

ATASSUT partiinit allaniik uparuartorneqarsimavoq, nunaqavissut pinnerasaasiassap piiarneqarsinnaaneranut periarfissinneqareersut. ATASSUT-miit nunaqavissut 100.000.- kr. tikiinnarlugu periarfissinneqarsimanerat naammagisimangilarput, tassami isumaqaratta anguniartariaqaripput, nunaqavissut nunatta iluani avammullu tunisassiorsinnaanermut misilittagalinnik peqateqarluni anguniarneqartariaqartoq.

ATASSUT-miit qularutiginnilarput, nunaqavissut ataatsimoornermikkut selskab-imillu aallartitsisinnaanermut siunnersorneqarluarnikkut siunissami suliffissanik pilersitsiinnarani annertuumik nunatta aningaasanik pisariaqarteqisaanik kaaviiartitsisinnaanermut aqquutissiuussisagaluarpuq. Qeqertarsuatsiaat aligoqqiik peqarfearluarnera ilisimaneqarluarpoq, annertunerusumillu nunaqavissuniik aningaasarsiorfigineqarsinnaanera soqutigineqaraluarluni aamma ilisimaneqarpoq nunatta ilaani aligoqqiik peqarfiit sulilu allanik ilimanaateqarluarluni peqarfinnik nassaartortoqarsinnaanera.

Taamaattumik inatsisartuni pisariaqarluinnarpoq, siunissami nunaqavissut isiginnaartuunnassanngippata matuma eqqartornissaa taamaalillunilu inatsisartut isummorsornerat aallaavigalugu, Naalackersuisut suleriaqqinnissaannut aatsitassanullu inatsisitta naleqqussarnissaanut sulinissaat aqquutissiuutissavarput.

Isummorsorluarisi oqallilluarisilu.